

四庫全書

集部

欽定四庫全書

集部
石田詩選卷二

詳校官監察御史_臣范衷

中書_臣劉源溥覆勘

總校官編修_臣

王燕緒

校對官編修_臣

閔懋大

謄錄監生_臣

左洪模

欽定四庫全書

集部六

石田詩選

別集類五

明

提要

臣等謹案石田詩選十卷明沈周撰周有石田雜記已著錄此集不標體制不譜年月但分天文時令等三十一類蓋仿宋人分類杜詩之例據慈谿張鈇跋蓋其友光祿寺署丞華汝德所編也顧元慶夷白齋詩話載都穆

學詩於周嘗作節婦詩有青燈淚眼枯句周以禮寡婦不夜哭議燈字未穩是周於詩律不為不細然周以畫名一代詩非其所留意又晚年畫境彌高頽然天放方圓自造惟意所如詩亦揮灑淋漓自寫天趣蓋不以字句取工徒以棲心邱壑名利兩忘風月往還烟雲供養其胸次本無塵累故所作亦不瑣不琢自然拔俗寄興於町畦之外可以意會而

不可加以繩削其於詩也亦可謂教外別傳矣都穆南濠詩話稱其詠錢詠門神詠簾詠混堂詠楊花詠落花諸聯皆未免索之於句下蓋穆於詩所得不深故所見止是也集前有吳寬序稱其詩餘發為圖繪妙逼古人核實而論周固以畫之餘事溢而為詩非以詩之餘事溢而為畫寬序其詩故主詩而寬畫耳又有李東陽後序東陽與周不相識時

已為大學士與周勢分懸隔以吳寬嘗以寫
本示之重其為人故越三十年後又補為作
之然二序皆為全集而作華汝德刊此選本
時仍而錄之非序此本者也乾隆四十六年
十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

石田詩選卷一

明 沈周 撰

天文

弘治改元元旦遇雨

元旦未及春東風意先蘇
風來繼零雨和潤物皆濡
助我新天子沛澤彌九區
河流亦傳清天與聖德符
賢俊日拔庸治道務精圖
堯舜不異人政化無兩途
我衰在

畎畝感激舞蹈俱告戒各努力勤耕備公租黍稷多充
禽淵靜無驚魚上下信影響餘生幸于于

雪作二首

經春十日忽作雪如此紛然門且關瞥見豪華成白屋
錯加粉飾累青山侵凌廣野容無地零亂高空落自閒
兀坐搔頭何遣撥梅花寒勒未開顏

春雪公然沮春雨莫能為潤祗漫漫撒鹽差是殊無味
執玉徒觀不辟寒滿地蕭條悲鳥雀何人徙倚愛闌干

凍皴手足鬚俱折擁被微吟強自寬

二月三十日雨中

此雨送殘月陰雲隱有雷草雖宜濕長花亦要晴開溝
漫魚爭上泥深馬忌來春山只隔眼應待我銜杯

三月一日喜晴小步用士弘韻

雨春情況悶中諳一日初晴月已三半濕半開花解笑
相呼相喚鳥交談閒行聊樂將誰伴獨咏而歸也自堪
更有餘懷成漫酌好風吹面小軒南

嘲雨

雨澤之所至千里為其方其落萬萬注河沙數微茫方
中高低田多少落不當高者少莫潤低者多乃殃雖有
利物名功過不相償落之徒勞勞所怨亦穰穰何如一
輪月分影不可量一處有一月一月散千光只譬一州
城萬人住中央一人一觴酒一月照一觴一觴吸一月
人醉月無傷月自行中天不驚亦不忙房杜昔為相垂
紳坐廟堂天下屬默化熙哉稱有唐安石似道輩瑣才

事更張聚斂以為政戕民隳宋網君子與小人於焉觀
否臧我方坐雨厄斐然成此章

風雨中戲三郎園櫻盡落

風風雨雨未開晴憂病憂田白髮生聞道西園尤作惡
小僮歡喜拾殘櫻

雨悶

久雨連陰結青天安在哉大由雲所子浩及水為災羣
葉無情盡么花借濕開寂然泥淖地苦憶舊人來

雨夜自遣

需霽寥寥坐夜長呼童轉燭更添香
澄懷有物嫌詩在聾耳無聞併雨忘
頭上青天終自出人間白屋暫相當
明朝補漏吾還得手把黃茅作向陽

五月十五夜見月映樹有作

圓月出樹東隔看被樹罳羣葉相蒙茂
光采還透射玉盤雖隱映其魄自整暇
脫樹漸自高萬里大明夢了了太極圈
誰向虛空畫坐深已當頭其樹勢斯下
小人蔽

君子暫爾何足訝樹月亦偶當微吟聊譬借

中秋湖中翫月

愛是中秋月滿湖儘貪佳賞亦須臾固知萬古有此月
但恐百年無老夫鴻鴈長波空眼眦魚龍清影亂眉鬚
人間樂地因人得莫少詩篇及酒壺

錢士弘以東坡船邀汎月病阻因答

東坡新船高似屋兩舷開窻三十六昨乘缺月汎昆湖
今汎楊湖月方足老夫不及困河魚到月足時人欠福

莫能扶僂踏高筵馬不進兮人累俗翠盤露酒白玉香
一飲之緣惜難卜月從水上憶車公還能入戶尋幽獨
枕前只作卧遊人亦有清華爛雙目高吟不寐待回船
輸却醉鄉詩可贖

暑中寫雪圖

六月添衣喚僮子自畫雪圖茅屋裡玉花出筆飛上樹
慘澹陰山無乃是老生放筆還自笑顛倒炎涼聊戲爾
門前有客來借看滿眼黃塵汗如雨

松庭對雪

三白觸眼喜欲顛
天王繼統新改年
豈天厭惡下土濁
以此雪之同皎然
光照明堂納祥瑞
一平天下知其權
疾而蒙藏能過厚
卑而令高如進賢
先時上帑寶珠玉
今恣四野開瓊田
何須聚斂自委積
過而不拾貪夫悛
先時豺虎橫食人
空山忍饑今可憐
威能挾天已闔茸
勢可炙手還蜚蜷
老夫忍凍亦慣事
草廬安抱牛衣眠
庭前孤松有喜色
要與老夫相作緣

冬日

冬日晴可愛溫如君子人即之不覺熱默生懷抱春執
卷南榮下吾目亦滋神何嫌炙背徒負以獻吾君

臘月二十八日立春得雨病起漫言

小閣櫺窗風自推手添香炷撥爐灰殘年送病詩中去
淑氣將春雨裏回午案待嘗新茁韭陽檐思訪欲開梅歲
功代謝忙如許似與衰翁遞老來

憫日雜言

日既去日復來來如赴去如頽來是誰約去是誰推一
來一去彼此自禪續無與我與何故使我心驚猜似乎
少年有根是汝拔老醜無種是汝栽百年所筭三萬六
千日自我而數指作枚我今行年已七十歷日二萬五
千枚所該百而去七大半又復使我心驚歎雖欲不
驚歎猛見霜絲雪縷垂兩腮何況人生不滿百疾鳥捷
兔又如此而相催我思天地靈長之氣十二萬九千六
百年然後運窮劫盡蕩而為灰吾人亦謂參三才胡乃

其氣短索不得相追陪準天地而言人眇塵海之一埃
慨歲月之玩人同古今而一雷我無長繩繫日住亦無
長戈揮日回亦不知學仙能久視亦不知託佛能輪迴
而今而後去之日付一盃來之日付一盃不憂罄其餅
恥其壘春暖秋涼山邊水隈訪黃菊尋白梅秋月自與
吾慮淨春雲自與吾懷開畫遊之地吾蓬萊夕息之處
吾夜臺以殤視我吾老大以彭視我吾嬰孩信壽夭吾
何以外請享此見在不樂胡為哉

苦雨寄城中諸友二首

一陣接一陣一朝連一朝官仍追舊賦天又沒新苗白
日不相照浮雲那得消君休問饑飽且看沈郎腰
新雨似舊雨今年即去年只愁沈垆土或喜夢青天
頓黃蘗甕家白鷺田惟應五穀地改納水衡錢

秋雨偶書

雲暗湖村水漫沙秋堂蕭颯類僧家聰明比舊堂堂減
老嬾隨年數數加風扇未愁蕉破葉雨房偏恐稻傷花

坐深兀兀多資睡強欲開書候日華

中秋賞月與浦汝正諸君同賦

少時不辯中秋月視與常時無各別老來偏與月相戀
戀月還應戀佳節老人能得幾中秋信是流光不可留
古今換人不換月舊月新人風馬牛壺中有酒且為樂
盃巡到手莫推却月圓還似故人圓故人散去如月落
眼中漸覺少故人乘月夜遊誰我嘖高歌太白問月句
自詫白髮欺青春青春白髮固不及豪捲酒波連月吸

老夫老及六十年更問中秋賒四十

星墮

惟己酉十月五日立冬始鷄後涉黎明寤者稍稍起有
星流西北而從東南止其大如車輪蓬然曳長尾撒星
更拋焰遺落相蘖蘖其光白中黃燭地以晝比行旅盡
驚仆吠犬鳴驚雉墮地如砲聲引響久未已牀闥皆簸
撼約聞三百里七月嘗示異不意復有此瞥過視莫諦
墮處曷究擬至地當有化其形當何似其墮當何曜其

金史卷一百一十五
卷一
罰當何理竊謂經與緯墮一天缺紀無乃金火餘其氣
互合耳餘衍固非正謫罰自有旨當祥付茫茫不敢扣
太史

對春雨

春雨父母情惠物侔愛子潤被發華妍長養助欣喜庭
垂存腐蕉土渥芽伊始齋心臨散絲清虛及窻几自愴
槁颯安均榮固無理

中秋無月歌

老年於世百無與待盡光陰而已耳佳時令節或難忘
有酒還隨大家喜一時過去少一時打筭百年能得幾
滿前童叟倏突弁少者如斯老何恃去年中秋月在城
白壁團團酒波裏今年中秋月在家買酒邀賓走兒子
雲漫天黑月失色老子之興殊敗矣老子非月能萬古
暫借一光何足鄙中秋失月不中秋人固無聊月當恥
常時有月我無酒有酒呼月今不起有無無有兩難謀
要是天公忌全美世途茫茫寓萬事顛之倒之亦如此

金匱要略卷一
眼中屠販却封侯意外詩書多餓死便從一月觀萬變
何敢容心必其理感深坐久欲添衣風急秋高月如水

溧陽道中遇雨

浮雲接地日無光足力衰遲道路長都是小兒能疾走
這場風雨却誰當

有竹庄賞月

爛擁銀盤草屋東白頭相賞兩三翁青天不老人自老
明月正中秋亦中恹底有娥因藥誤謀諸無婦恐尊空

百年各願身强健此夜年年此燕同

八月十七夜待月

候月月不出引醪兼話長柳黃延返照亭白應新涼惡
壁沉海氣待珠開夜光我壘猶未恥願早賁林堂

時令

元日

今日之日一年始三百六十年之終雲物昭回天杲杲
風光澹蕩氣融融商量柳色綠少許爛漫梅花白大同

無事此杯椒栢酒老夫不覺笑顏紅

四日過有竹莊

春早拏舟聞鵲鳴病餘勉強竹莊行
開年數日匆匆易向老逢人徃徃生
陰隲瘦姿松抱冷雪洲芳意草知晴
稍通酒餞聊乘興亦漫詩篇度野情

人日喜晴

今辰謂人生風日佳可喜七居陽之正
宜云造物始占晴協陽吉其兆比君子
霧雨忌為陰小人象斯擬君子

履於祥歲事無不舉小人道用晦顧有留害倚東臯動
春風強健供耒耜持以告吾人毋憂往時否

七日樹介

千松凜凜清霜戟萬竹森森白玉叉無數小兒相怪問
老夫搔首但邾婁

元夕席上贈冷菴憲副二首

石湖樂事漫吳臺茅屋今宵也一回上客門前探節到
小兒城裏買燈來生香竹葉迎春熟活色蓮花映火開

粧點太平須要此百年常覆掌中盃

堂帶春星月滿臺勸君且飲一千回休言美酒消愁得
亦被華燈送老來急管繁弦聲乍合千門萬戶夜齊開
明年佳節依然在分付春光駐此盃

春晴出遊

天宇及軒霽品物各華研清般約同儕絡繹仍擊鮮展
酌臨芳樹鳴琴參笑言促羽酬良辰迅光不長延請看
劉伶墳酌之莫達泉

閒居四時吟

白日可形指青春茂迹尋不應有開花還復有鳴禽何
物衰颯翁樂意亦充襟浩然不能遏登臨動謠吟謠吟
侑杯酌花鳥同山林一暢太和氣載鼓康衢音捫心自
有會求知非在今

赫暑薰永日衆皆苦煩酷林廬賴溪次茅茨非厦屋門
前蔭重柳簷後鬱深竹無風氣蕭爽汗濡免浹肉尚可
加白葛喜謝裸裎俗畫靜茶瓜餘攤書教孫讀既倦還

偃息夢寐亦清淑

秋涼我所愛人情與時宜因念康節言還眷康樂嬉杖屨足濟勝出門隨所之舉睇達遐邇山水陳高卑洞庭吹白波落木不可持我特覽明鏡因之悲素絲素絲不復立物變成有時亟欲學神仙早憫氣血衰羨彼南山色青青無老期

若若風木號靡靡霜草白敝褐氣不溫坐擁簷間日大兒輸租還升斗告既畢區區氓庶勤萬一答帝力簷陽歷

飛晷倏忽燈火夕光下目尚見展茲編年冊其迹類歲
功乘除無紀極非徒遣永漏亦足知往昔

上巳即興

春暘麗廣野和風汎冠裳庶物爭敷暢
葱葱媚時光綠溪盥清流俯見鬚眉蒼
假袂聊復耳所適茲晨良握蘭襲清芬
偶羽接飛觴沂水不可即道遠徒徬徨

春歸曲

今朝三月三十日問春果是明朝歸
春歸當向何處去

春亦不言花亂飛東家蝴蝶已無賴強逐遊絲揚落暉
青樓粉暗女子嫁朱門烏啼賓客稀春一去萬事非臨
歧更把一杯酒愁見牆頭梅子肥

端午漫書

丁酉

周也渾衰憊奔波已不便親淹碯上殯食仰水中田借
貸煩親戚饑寒罪歲年低頭搔白鬢雪涕在青編憂患
今如此聰明不及前私情吾自訟公急衆誰憐凋瘵應
傷骨劬勞不息肩超文棄田稚隨例効庸錢違奪虛吾

日號呼徹上天誅求家百世政令月三遷簡靜高明度
更張小諒權鳥安求茂木魚樂奔深淵流剝如為釁挫
驚孰任愆申商疑實際卓魯似徒傳青艾誰攻病紅葵
他自妍深居思俊德分贊仗諸賢莫以威嚴恃須知憂
樂懸厭兒求角黍與俗話蒲鞭積雨殊滂矣浮雲亦黯
然致嬰門限外此意向誰宣

端午小酌

親朋滿座笑開眉雲澹風輕節物宜淺酌未忘非好酒

老懷聊樂為乘時堂瓶爛漫葵枝倚奴髻鬢髻父葉垂
見享太平身七十餘年能補幾篇詩

六月望夕作

十年六月十五望昏時月出當巽向初從地中已遭蝕
妖蟆大吞魄俱喪輾空漸高已半露黑氣輪光兩相盪
其色昏昏赤如血熒惑紅芒近仍抗老夫茫茫不識占
但稱怪事驚還悵未聞官府行護典太史豈遺還弗諒
不食而食天自憇人未容知未容讓不如買酒洗此月

一洗千年永無恙

立秋夜坐

霜毛隨葉落搔首忽心驚
節物其如我乾坤聊且生
誰家無月色何樹不秋聲
好在清哦地戛然庭鶴鳴

秋暑夜坐

星河垂地夜闌珊
坐久幽懷百事關
畏老欲逃如鏡裏
苦塵難脫限人間
一亭多竹還妨月
二水宜家又欠山
世好茫茫誰是足
祇除心迹自高間

秋夜

白屋衡門擁墮樵秋懷落落夜寥寥人間篋笥悲紈扇
天上樓臺款玉簫竹實未生岐鳳老樵書不展塞鴻遙
青春雖在潘郎鬢只恐愁多亦易凋

九日無菊

今日九月九無菊且飲酒明年九月九有菊亦飲酒有
花還問酒有無有酒不論花無有好花難開好時節好
酒難逢好親友一盃兩盃長在手六印何消金握斗三

盃五盃不離口萬事莫談瓶且守瓶云罄矣我即休載
欲謀之已無婦天應私我身獨在天不全人花乃後遲
之明日興還存紫藍青苞得開否倘看爛漫即重陽借
酒東牆惱隣叟

九日值雨無菊

重陽薄酒且沾脣歲患雖煩節物新昨日未知今日雨
流年不怨老年人籬花欠事無黃菊江草多愁漫白蘋
何待齊山始酬醉小孫須辦拾頭巾

和吳匏菴續滿城風雨近重陽之作

滿城風雨近重陽
寂寂寥寥破草堂
彭澤花枝待晴把
雲安麴米帶生嘗
梳頭髮應吾年白
潤屋金從別姓黃
慚與潘郎續遺句
沈郎瘦不似潘郎

丁巳除夜

數日匆匆歲告終
溫存惟有此宵同
安知媚術先求竈
未信空文必送窮
詩卷可留還自壽
釣竿無恙任為翁
茅堂已與年俱舊
簾幙沈沈不動風

與韓克瞻蘇安道守歲

杪歲樂合并留戀甫及除不可負奇遇請勿歌歸與天
地一逆旅所在皆吾廬各念年歲改忽忽不我儲相守
戒毋寐徹夜亦須更四序流且既其程惟僅餘丑鷄苦
無情督曙聲喔如隔隣促沽酒一一圍地壚傳盃相彼
此巡次不可虛林靜風滅響雨迹良漸疎俯仰百年內
幾人今夕俱人情與節物攬筆吾當書

守歲

歲行殊碌碌來往類瓜期越日成新舊開情有仳離畫
儺俱散後白叟不眠時孤注一年計同人此夜私五窮
無術遣百拙信天為舉酒鷄鳴際聊申繾綣辭

送歲詞

白粉作白糲今夜送歲用千年萬年例千家萬家共歲
去還自來送者徒鄭重初謂人送歲終反被歲送人於
一歲間過眼幾悲痛送歲人不知處歲若處夢我有同
室人今年室已空

秋日早興

高齋梧栝涼意好但是雨聲妨晏眠一心默默百感內
萬事悠悠孤枕邊鷄鳴犬吠物有為晝短夜長天上偏
起來盥櫛了無作賴此牀頭秋水篇

立春日試筆

雪屋蕭然折竹間畏風門戶鎖須關鄉推老大悲年逝
人誚迂疎喜事間土銼撥灰燒凍芋雲簷補屨織新菅
深居終日無聊賴或為兒嬉一解顏

除夜

五十三迴送歲除世情初熟鬢應疎事能容忍終無悔
心絕安排便自如立券每賒扶病藥作緘因借養生書
親羹坐雪肥鮮少索畫人來喜饋魚

病餘待旦

衾鐵凌衰颯無眠展轉頻鷄餘千慮枕霜下五更人夢
緒不可續窓光渾未真兩童牀脚底斂睡怕教晨

除夜留客

客會合時須有酒歲乘除際可無詩乾坤假我為逆旅
日月玩人猶小兒黃屨相尋奈新歷白都不剩笑殘髭
浮生踪迹任流止見面儘強空爾思

留客守歲歌

請君勿思家相將守除歲誰家守歲同故人惟我與君
開此例作詩送歲君有篇買酒餽歲我有錢莫嫌苦與
歲留連惜是明朝已隔年本戀歲華還戀客亦惜明年
又南北歲來歲去自無窮客去客來頭漸白白頭無春

風且暎燈花紅燈花落處天拂曙君起云歸歲亦去歸
家馬蹄急如飛家人闌門諍不歸

元日四首

物華初煥發鄙抱亦生春開歲始今日杖鄉無幾人蟻
醅浮甕冽鷄彩暎門新笑進三分盞聊娛八十親

賀旦亦隨俗筋衰拜莫便鬢毛關燕次歷紀曠生年地
氣通茅早晴光入戶妍小孫看滿抱不待衆人憐

野俗誇占候年芳比昨強值人春立早加閨歲行長話

緒及農切孟巡次客忙援時從少飲獨後感流光
頻頻逢獻歲健日憶兒童有母敢稱老無年不願豐堂
光靜宜北風氣暖知東萬擾來吾慮悠悠致靜忠

元日用長字韻

年來隱計自為長簪笏何如書滿堂入眼睛雲占歲氣
照門春日動江光傳椒老子騰騰醉騎竹兒童故故狂
車馬東華雖富貴貧窮吾亦愛吾鄉

初春

番暖番寒似小兒嫩
春天氣作嬌癡預先辦酒等花發
醉到花飛亦霎時

微黃冉冉柳生姿
數日春晴隄有私新水一陂他自暖
跳魚何故却先知

燈夕

燈火長街闕小兒龍鍾
老子亦隨嬉小兒作閨渾無度
老子貪嬉固有時滿眼杯盤人盡醉
大家簫鼓夜何其
金吾不禁銷金事莫為春城筭酒資

秋夜獨坐

萬事縈思獨坐中
爐香深處性靈空
藥如效世黃金賤
年莫瞞人白髮公
疎竹畫窻因借月
墮樵驚屋偶乘風
且來拂簟尋高卧
夢境浮生一笑同

秋宵

秋宵殊為老人長
展轉衾裯夜氣涼
夢到衰年隨血少
事尋聞感累心忙
憑凌殘月空梁鼠
干聒西風破壁螢
強把清吟訴無賴
亦堪延緩及窻光

廿五夜戀歲

與歲別在邇五日即告終三百六十日漫過已匆匆餘
此知莫畱頃忽迅飄風譬若盃酒闌客散堂欲空強爾
拉老兵徘徊乏歡悰把筆構短篇燈前擁衰翁衰翁類
歲事微吟搔鬢蓬

七月十五日城中晚歸

晚郭歸舟急若何市塵猶恐累漁蓑到家覺得曾風雨
兩樹芭蕉破葉多

十月二十八日早自城回

短日促解纜起程霜鬢蓬岸姿微雨潤人影淡波通一
鳥沒虛碧數楓留晚紅指家渾不遠村過更橋東

八月一日病中即事

旬時惟有藥追陪斷不思拈舊酒盃慮靜爐香宜夜坐
眼酸書卷怯朝開江蘋白應松鱸出庭草紅催朔鴈來
老去苦驚時節換壯心那復傲寒灰

石田詩選卷一

欽定四庫全書

石田詩選卷二

明 沈周 撰

山川 園池附

舟中望虞山與吳匏菴同賦三首

虞山我隣境欲往路非遙
比來無好抱風日虛春朝
茲藉嘉友興理舟訪岩堯
漸喜蒼翠近豁眼嵐霏消
上有古松杉落落旌幢標
其下見行人往來雜僧樵
我坐意

亦馳豈伺雙屐超何異謝康樂巫湖睡且遨

登梁昭明讀書臺訪徐辰翁丹井

遠秀目已週復騁登高足青山不嫌人所取隨我欲巍
巍古仙壇寂寂奠林麓七檜交雲霞靈飈散清馥崇臺
轉磴道攀緣把傍竹同行玉堂彥高詠應虛谷逍遙東
山風已屏歌管俗申紙驚連章謬圖仍附軸聊以志傾
賞流傳亦何卜或恐聞邦人有酒悔無逐

留連山中薄暮返棹

遲遲二三客默默對層岑轉柁清川口忽然西日沉常
時急歸路茲焉迂我心行行望不輟去遠思滋深所思
何以寫丹青亦難任不如就明月彈我丘中琴

過長蕩

發迹過長蕩識此平生始春流方漫衍曠蕩彌十里老
葑蔽層雲敷芽青擬擬正如一明鏡黧蝕銅繡起西山
欲臨照掩却螺髻美山亦拗怒去南走太湖溪羣勢湧
疊浪爭捷互排擠我恐先我去揮手喝止止湖山四面

好轉側皆可喜此面正佳絕扁舟載西子芳洲有隙地
肯賣脫紫綺移家非丹砂所好在山水

溪上獨坐

觀生吾自得飽飯荷農功盤石箕雙足清流影一翁松
喬藤輔德楓老葉還童好在尋詩地無人杖屨同

漁村

吳江本澤國漁戶小成村楓葉紅秋屋蘆花白夜門都
無三姓住漫可十家存熟酒呼兒女分魚喧弟昆不憂

風雨橫惟憚水衡煩
鷗趁撐舟尾蟹行穿屋根
怡然樂生聚業外復何言

經尚湖望虞山

日午放船湖上頭
虞山隨船走不休
高雲仰見出翠壁
飛影下接滄波流
青林人家隱山麓
鷄鳴犬吠聞中洲
鷗鷺羣棲竹葉暗
蜻蜒特立荷花秋
蓮歌漁唱尚互答
落景在樹猶堪遊
小舟爭渡各先去
獨逆風波渾不憂

宿白馬澗

濕雲載春山晴秀悵莫逢朝來雙闥前頓失千巖從天
地大藏疾何所不包容峯巒皆養晦草木未發蒙芙蓉
不敢巧反樸鴻濛中老聃巨辨物存亡詰兒童晝夜不
分明中恐移愚公又慮九疑縮萬里來相通爭高或不
平出氣溢其胃水墨用吾事丹青莫為工

大石狀

望望秦餘杭首尾行不了大石突其尻翹然一拳橋山
體厚藏骨吐秀此特表正類抱中嬰頭頂露於襟形大

氣則散趣足在於小其深雖未即遠觀已自好頃來莫
能窮繼至敢草草循牆道林麓記曲乃遺杳登登覺向
峻漸漸駕木杪猊峯據門左呵禁口欲齧有磴沿百級
有殿嵌山造並殿跨偃石懸身龍娟矯行人自其下恍
惚怖四爪轉高踏其背股慄身亦掉鎮腦結佛亭所仗
力可擾四壁滿題句貴賤成雜掃同遊懲涉險旋踵促
及早次尋巖間窠蜂房互窈窕緣勢盡西向局地窄接
繚雲棧中貫穿所歷平地少山靜日自長石瘠人亦槁

坐僻觀居安傳奇被遊攪陽厓詫脣掀陰竇疑目窅虛
含風颼颼濕暎雲稍稍衆繄不可熨亂豐龜折兆層疊
百寶合正紺或厠縹亘此金剛座千古不可剿危椒壓
屋脊雷雨常怯倒草木亦作怪牢絡萬藤蔦蒼松長深
根本矮枝節老斜見山桃花微紅暎叢篠草異傳多藥
采掇未諳曉欲宿償三過衾裯悔忘抱既夕氣更佳延
月象倍皎尚欠一踏雪意先有瑤島情狀要細述言語
未獲巧不期諸蟲鬼拄腹早韞藻宛然紫芙蓉為我一

手拗東坡昔袖去援例我非狡山僧苦著相便覺生煩惱

移席茅山東頂徐永年避酒而去作歌嘲之

自我來茅山春霧撥不開冥迷五日思困頓當面不見
紫翠堆今朝喜有風汎掃兩目浩蕩天光回秀峯戢戢
各拱立伺我道左千戟排蒼松為幄碧草薦窪石一一
羅尊壘高天廣野寄笑傲芙蓉對面勸我一吸三百盃
徐卿不能有此量冒板而窺山之隈隔林大呼谷與應掉

首竟去無徘徊却從地上舉手謝遠意若訴不得相追
陪會難別易略不恤有樂弗取真吳歎山禽衝客啄餘
齒野花點席粘殘醅老兵既失老僧在且握石子為闌
猜醉來枕藉足力憊扶掖不起相催頽明朝爛漫別辦
治遊事青山在在似作遊人媒久住山亦許不作謝令
推憑我裁截筆作剪信我包括詩為胎請君急急還來
看怪事金鰲左股昨夜安在哉

雪中登虎山

月色風光知幾到好奇今補雪中緣急排岩樹開高閣
生怕溪山又少年城郭萬家羣玉府塔簷千溜半空泉
香茶美酒殊酬酢似此登臨亦可傳

雨中看山寄楊君謙

看雨春山中晴日未可及巒華與嶺秀濯濯翠流汁水
墨間罨畫屏風四圍立襍花逗餘紅雅與松共濕低雲
滿窓戶似愛幽者入我初作靜觀併喜得靜習紛紛治
遊子此景不足給有詩在此境佳句待人拾詩腸倘乾

燥亦許借潤浥持之報楊子正可事履筌

水村圖

魚莊蟹舍一叢叢湖上成村似畫中
互渚斷沙橋自貫輕鷗遠水地俱空
船迷楊柳人依綠燈隔薰葭火暎紅
全與吾家風致合草堂曾有此愚翁

天平山

天平合在名山志山下祠堂更有名
何地定藏司馬史此曾誰負范公兵
高屏落日雲霞亂襍樹交花鳥雀爭

要上龍門發長嘯世人無耳著鸞聲

光福

羣山西奔駐湖尾通川夾山三十里川窮小濠開鏡光
居民次水屋比比屋上有山屋下水開門波光眼如洗
虎山橋畔晚市忙打鼓漁郎賣鮮鯉霜前橘柚萬苞黃
雨後楊梅千樹紫山圍水抱開農桑樂土風光眞畫裏
三年潢潦我無家恨不移書亦居此

和張碧溪登寶峯韻二首

樂事春來要不空直登峯頂路方窮青山始爾三人酒
白髮泠然萬里風城郭週遭江勢轉鶯花爛漫物華同
太平無象今成象好在詩篇杖履中

新醕拍拍玉光浮挈榼提壺判醉遊高帽特尋芳樹掛
清歌緩共晚雲流頻來信我何拘忌大勝為官待告休
日日乘春知未足翠微還補菊花秋

三宿虎丘松巢

夕陽繫纜有餘輝入寺登登曲徑微孤塔白雲平鳥背

疎林黃葉暎僧衣
臨池弔劍寒泉在
捫石尋題古刻稀
便欲留詩補三過

三次有圖于此

眼花燈影不成揮

與沈工侍時暘登大潮山絕頂

侍郎不到十年餘
拉我松行喜並輿
客子初疑穿虎豹
僧伽高住自鐘魚
龍蛇起陸香山近
鵬鶚摩天震澤虛
把酒直從峯絕處
眼空錯認是匡廬

汎舟橫大江

汎舟橫大江流止
隨西東前頭望廣
水後頭望連峯客

程渺茫茫行雲無旋蹤霜露霑我衣覽鏡饒憾容

約客山行先後相失

春山同遊不同席却被青山笑相隔村蹊宛轉馬不進
來者固遲歸亦急問人云去苦不遠如酌稍延當有及
空亭鳥下小燕過祇見殘花與殘核手捫路竹漫刊詩
將記後來君可識白雲酢汝一盃酒不問老兵何得失

山行

雲壑風泉處處宜詩囊酒榼大家嬉人來人往春無主

日短日長天有時墮哉林亭看螳競插花山轎愛蜂隨
野僧未識登臨樂靜自關門笑客癡

楚江秋曉卷三首

天連湘漢水悠悠水色微茫接素秋殘月已沈三國恨
亂雲初散九疑愁南方流落身將老西候蕭條客倦遊
欲采蘋花恨無伴美人迢遞隔滄洲

葭莢蒼蒼白露時蕭條江色帶微暉平沙鴈逐寒潮起
野樹鴉隨亂葉飛漸見九溪如練淨尚憐三戶似星稀

不堪昨夜南遊客愁向西風憶受衣

夢回江上筭秋程水影迢迢積漸明落木西風連鄂渚
亂山高浪隱湓城鐘邊野寺經僧起霜裡孤帆估客行
往事獨悲前席誤不從賈誼問蒼生

自甲浦道太湖四十里見異香諸山喜而有作
清苕達宜興道湖已成筭僕夫却告難風浪卒莫翫勸
我陟山麓正爾免憂患彼此有得失我臆殊未斷譬山
行見湖昏昏祇浩瀚何如行湖中坐見山秀爛僕尚清

決筮得需利在彖毅然促飛櫓猛進不復懦探穴有虎
子履險獲奇觀出浦即會勝列障擁一岸遙思攬吳香
妄意覓仙幔羣聳西若監巨浸東罔畔天謂湖太淫設
此似按攤雲濤日衝撞石趾力抵扞輸贏各無能兩壘
對楚漢我行鋒鏑間便以老命判山疑相慰藉逐逐笑
供玩始有舟楫虞盡被山破散山亦有情狀要我綺語
讚氣聚勢則附形散脈復貫遠近相行迤中自存博換
雖靜有動機萬態紛變亂虬龍徐蜿蜒獅猊悍奔竄夷

金匱要略卷三
卷三
突各不一小大略相半正展芙蓉屏橫亘蒼玉案晴穀
綢日光莫熨錦繡段金庭與玉柱遠弄波影燦歷眼四
十程續續青不斷平生詫傳聞信美非謾調修辭聊梗
槩歸憶庶可按

岳麓秋清為西涯李閣老題

蕩摩雲漢覺喬然形勢雄看岳勢連赤帝奠靈天立極
紫陽宏道地生賢人凌灝氣攀珠斗峯落清湘見玉蓮
上相舊遊今不忘寫懷還復事圖傳

天柱晴雲 全前

一柱巍巍萬象超
切台接斗見岩堯
命惟說用金為礪
天許姚擎玉作標
森列宸楓均湛露
蜚緣野竹上青霄
文章變化成何似
更倚雲霞看寫描

黃山遊卷為篁塹程宮詹題

黃山巍哉四萬尺
摩天戛日高莫敵
天下之人皆識名
土著之人遊未極
篁塹先生二十年
亦自今茲方決策
沈沈冬雨作泥淖
日日需晴蠟雙屐
天將試人故作沮

拂面猶嫌雪飄白先生一意牢不破十客追隨三不逸
到山浮雲為開路石立偉夫厓左逆梁飛危甃虹不收
樹翳古湫龍所宅湯泉鬱沸幽广下熱酒不須敲火石
境深漸覺與世遠下界便從風雨隔諸峯六六互出沒
目挾雲蹤寄高厓容成浮丘合居此呼之不出聞笙笛
祥符小憩僅四詩天待先生儘蒼壁不應止此便返駕
請啓一行多後役作圖何事到野人耳聽安能當目擊
長安在西但西笑是邪非邪聊水墨更是高篇不容和

苟能掛一還漏百宛陵妙語括嵩勝亦與歐公曠遊席
歐公不有宛陵無紙尾但留三歎息

暮春登虎丘

獨信微吟人不知山花滿地悔來遲久搯綠樹陰中杖
仰辨丹崖缺處詩日有閒緣遊始勝老無健步出非宜
一迴到此一迴少怕近清泉見鬢絲

汎罨畫溪

長溪碧衍玉光淨樹夾兩涯俱倒映羣峯樹杪髻螺出

一一隨行似相騰小舟貼水上坐了見鬚眉落秋鏡
溪當比我懷尚澄地固不凡遊亦勝舡歌偶爾及滄浪
野鳥忽飛魚忽泳中流手洗白磁觥一勺分清空百病
喜聞秋潦轉澄瑩健在能尋不妨更

遊張公洞

并引

弘治己未之三月余來宜興客吳君大本所
二十一日大本倡曰張洞果老修真處古幅
地之列吾邦之仙域也必啓君一遊余笑曰

業已訂之矣於是理舟載酒從泐溪而南歷
菴畫溪迤邐四十餘里始舍舟陸行望西南
諸山高下層疊叢然莫知所謂洞處詰之樵
人指孟山曰此中是已其山於羣山最下而
小計其高不過二十仞心甚易之豈靈區異
壤能結乎是哉冉冉曲經田塍間三里許乃
抵已暮亟由林麓左行折而北二百步路次
臨一穴甚深晦其脣有雜樹蔽虧人謂此洞

之天窓也轉及山椒則洞口在焉呀然向西
北且隘有石衡亘于上如門楣然入必俯首
上摩小方有刻未暇讀門側置片石楸紋縱
橫云為仙枰疑好事者設之自茲從石級下
度載上載下崎嶇甚疲於老足因小憩旁石
瞰下冥冥時嵐氣涵渟如水涵于中不可擬
步隱隱惟見石臺耳暝色漸翳迨無所覩乃
下山議宿道士張碧溪林館規以明日補其

未足之遊夜二鼓雨作簷聲浪浪悵然謂必
敗乃事矣黎明天就霽即蹶起厭浥行濕莽
中喜劇興熱却披猛進冉冉焉足若虛躡洳
洳焉身若淵墜愈下而境愈奇乃及臺而昨
俯見天窓者今則仰視之日光下映四顧瞭
然下多亂石傾亞有崩跌勢洞傳孫氏赤烏
間霹靂所開天窓可想其迹也臺踞洞北趾
崇丈餘南面而立則三面環見皆石壁壁拔

地漸高而偃如鵬翼騫空燾下其中豁豁壁
之理上下皆庚庚而橫理中乳流萬株色如
染靛巨者么者長者縮者銳者截然而平者
菡萏者螺旋者參差不侔一一皆倒懸儼乎
怒猊掀吻廉牙利齒欲噍而未合殊令人悚
悚乳未餘膏溜地積為石榴數長軀離立兀
兀色揉青綠可愛西壁下作大裂斜而行幽
而窅內多流石錯互初隨行小僮誤由洞口

岐而入忽見蹢躅出于罅處衆訝曰何小子
之佻達也東壁下一小洞廁門內有石窪滴
水滿中又一洞正南壁中極黯黑云通半里
許余闖之寒氣淦淦襲人不可久竚大本則
挾童奴二三輩執炬踉蹌而入覺其挺詣之
無難也非但不能抑不敢以老身試其不測
惟盤桓臺下恣得俯仰之觀嗟乎設者不自
知其巧而使遊者知之知也有不能盡其知

遊也亦有不易者焉余於宜興二過洞尚相
昧今於一識迨老始獲之可信境於人間不
多設遊於人生不能幾遭因引酒獨酌心與
境融樂與迹超洋洋乎欲參造物者遊謂可
遺世而長存不知果翁之得果何如哉時大
本自別洞出仍來候余歷言其中石牀石竈
丹田之異旁之列洞不可殫記余曰毋多說
我我亦有神偕子往矣大本請記而系以詩

詩曰

仙山不在高靈區設中葺包蒙自太古霹靂始與牖聞
然不耀地白日已通晝遂褻世遊人我及千載後登頓
入地中足與石角鬬飛厓臨紫雲既掀勢還覆仰面欲
成壓山鬼自司救元氣不蒸雨五色變乳溜支本萬不
齊纂纂簪筍瘦又如人披腹呈此琅玕秀旁扉表雲房
曲密通款竇跬步必容炬老膽怯且逗神仙未易求冥
探亦何邁矯手采瑤華和飲千日酬聊度三千年儼與

石同壽

溪上

春日熙熙百鳥鳴東溪試步覺芒輕
間來間往曾無為時笑時歌自有情
止水觸風微起縠過雲生雨略攬晴
隣翁偶揖還相汎道是先生底獨行

登山

龍宮湧出玉嶙峋乍眼來看極悚神
滿地莫論無坐處東坡忽至佛印室
中曰中流真見不羈人東坡詩
內翰何來此間無坐處云金山亦是

不羈人
墻低樹少多容月石瘦花慳晏得春舟楫一江名
利路烟波誰謂不生塵

史明古曾約同遊今已化去

鬚翁久憶金焦勝感慨來登獨老身生死隔塵空舊約
江山如此欠斯人強留詩酒聊三日愁送鶯花又一春
浩蕩烟波莽回首漫將行樂與誰論

和西厓李閣老韻留題金山

儘有風波怯往還又因名勝使人攀天將白玉浮諸水

誰以黃金姓此山欲就一竿漁浩蕩更憑雙足弄潺湲
老僧莫作誰何問只借中泠洗醉顏

妙高臺望江

一源萬里勢成三截地分明限北南長塹悠悠天所設
奔流浩浩海相涵獨憐擊楫存遺誓可笑投鞭是漫談
頭白妙高方縱目落霞孤鷺晚猶貪

飲中泠泉

此山有此泉他山無此泉泉名與山名並為天下傳山

泉雨合德珠璧輝江天宛在水中央天使塵土懸山本
一江石泉井從石穿非鬼不可鑿人莫知其源黯深貫
龍窟不溢亦不騫我久負渴心始脩一啜緣憑闌引小
勺冰雪流荒咽載灌肝與肺化作清泠淵沁沁若沆瀣
逐逐空腥膻至味謝茗荈亦不從烹煎謬哉康王谷欲
勝宜未然未伺鴻漸知但飲必推先由我口舌譬亦獲
參其玄世多未沾者茫茫尚垂涎滿注兩大罌載歸下
江船搖光蕩江月汎影雲亦鮮分潤及鄉人七碗同通

仙

歸途欲登惠山時烟雨空濛衆有難色余獨奮

往

惠山怪我昨徑去歸來欲登却作雨濕雲隔眼失高翠
掉頭不顧真巢父願治笠屐往慰謝衆慮霑濡吾莫沮
我言惠不在天上行不畏難當至耳呼童挈榼客乃從
一段奇蹤自伊始西湖山色奇空濛當與此山移此語

光祿汝德

發舟自東川行行渺西驚返照變湖色四浸映浮樹輕
風汎廣水低昂浪相互亦復疎雨零頃耳遂澄霽延盃
引叢語殊莫省修路遙睇君子居聊賦停雲句欲擷汀
洲芳悵然無所遇

和吳匏菴姚氏園池四絕

宮庶才名天下知舊題留在此園池墨痕蠹盡重翻稿
二十年來似夢時

蚤起治園晚始歸黃昏蝙蝠滿堂飛人家夜例開門睡

甚矣先生併去扉

雨後春池漫石磯
櫻桃梅子兩爭肥
東風試暖諸生假
間就滄浪浣舊衣

小小園池儘自清
不曾誇大命新名
看花看竹多佳客
竹與追陪花送迎

和匏菴觀治園和韻

散直樂清燕
緩帶行園中
闢荒自伊始
有力適我傭
羣礫一何多
瑣屑錯蒿蓬
漸理塋與溝
脈脈見泉踪

作者苟不劃奚憂植難豐况喜臨皇畿春早氣自葱
好鳥鳴樹顛東方至和風勿去觀小道治國將無
同

水悶

破屋如舟只浮住茫茫魚鼈是比隣頻年大塊無乾土
何處巢居著老身萬頃禾田春澇富數聲雷腹曉食貧
詩書不飽還堪遣開卷時時感昔人

圖錢氏沁雪石

亭前峙奇石兀可當一障沁此萬古雪亘地氣魄壯蒸
雲勢欲軒得月神更王妙擬軼汎池潤未下雪浪剗鑿
天借巧曾次見洞蕩孤立宜有隣雅許脩竹傍風雨不
敢泐刻名久無恙寶此一夔足礫砢不多尚貞德允配
主白衣可呼丈我見便欲拜良信米弗誑聊與貌高古
敢有愚公妄

謝顧天祥送將樂石

一拳奇骨勝仇池落眼眞看玉雪姿急埽秋軒容突兀

更栽野竹與扶持已藏東海從深袖便捲滄波答小詩
莫道空言尚加拜此懷還託米顛知

雨後經西園

小園西百步五畝未為悭得雨草皆滿無風花自閒儘
清全賴水論足尚虧山樹藝有餘養其如丁者頑

登牛頭峯和陳永之韻

秋坐無所適牛峯期峻攀攜手相魚貫極力凌孱顏東
來望城郭北指鬱江關涼風振木末葉飄巾屨間俯見

行旅人役役往復還如我二三子逍遙意自閒其中有
達德高誼薄雲山

夜登千人石有序

四月九日因往西山薄暮不及行艤舟虛止
東趾月漸明遂登千人座徘徊緩步山空人
靜此景異常迺紀是作

一山有此座勝處無勝此羣類盡磽出夷曠特如砥其
脚插靈湫敷霞面深紫我謂瑪瑙坡但是名差美城中

士與女數到不知幾列酒即為席歌舞日諠市今我作
夜遊千載當隗始澄懷示清逸瓶罍真足恥亦莫費秉
燭步月良可喜月皎光潑地措足畏踏水所廣無百步
旋遶千步起一步照一影千影千人比一我欲該千其意
亦妄矣譬佛現千界出自一毫耳及愛林木杪玲瓏殿
閣倚僧窓或暎紅總在蛛網裏閭閻萬響減獨度趺然
履恐有竊觀人明朝以僊擬

因楊君謙見和復和一首

狹逕穿山腹盤盤雄歷此吳王三千劍意以是為砥鐵
髓積廣面歲久色尚紫石槩竒竅竅此以平為美坐閱
今古人當不知千幾集坐畢一時傳傳嫌如市況乃實
不及千名何以始準彼釋氏誕萬億未為恥俗驚少攝
多走觀信而喜我登紀夜吟其面月如水楊子時莫偕
清篇觸倡起歷歷到以意不遊與遊比語語盡括石石
舉在詩矣使石尚化玉倏忽鬼入耳玩之靈光生夏之
雅音倚氣復蒸春雲詩又在石裏瑟縮愧我辭荆棘礙

步履自笑邯鄲人胡為強追擬

君謙又和復答

子才五色石補天曾以此餘才散為詩或突或如砥今
賦千人坐秀句尚紅紫誰謂丈人醜貴有幼婦美一篇
似難又連篇不覺幾謂即事深刻打搨滿城市先時漫
無文增重信伊始我如呼風鷗悲鳴自堪恥子如希有
鳥九萬借風喜上掣層霄雲下掠滄溟水餘力播此石
久靜當砥起點頭有公案悟詩與禪比不然只冥頑一

石而已矣我言子無答一言而已耳尚容答千人琅玕
雜然倚還招舊時月總照新象裏我復就盤陀箕踞脫
雙屐咏言証千人使石無妄擬

載和答諸友

我閱丘中石異翮特見此天不生廉隅蕩矣若加砥但
嫌色相在雨洗常出紫坦坦宜坐人喻千溢其美未如
清涼達所容不拘幾可拔豈萬年菱谿笑穿市夫差墓
其側恃固乃經始小類莫試劒腕裂傍可恥夜夜矚明

月玩弄少客喜我來發豪吟鶴磯應流水初憑石乘興
亦半因月起百年擇一勝頗與赤壁比有石無此月其
遊亦漫矣有月更有石有詩兼稱耳下里和者多聲韻
妙依倚曾中各磊隗爭出言句裏何當拉諸君我亦補
芒履明年待中秋石遊更堪擬

月夕汲虎丘第三泉煮茶坐松下清啜

夜扣僧房覓磻腴山童道我吝村沽未傳盧氏煎茶法
先執蘇公調水符石鼎沸風憐碧絢磁甌盛月看金鋪

細吟滿啜長松下若使無詩味亦枯

和馬抑之大小干山歌韻

大千山小干山宛如兩玉浮湖間却疑子產不受棄於
水古人高誼今者行何難山亦有何欲誰與名之干有
干於世則有欲礪愧林慚當厚顏君不見寢丘之後有
妬谷避惡之人居亦棄又不見廣州之間有貪泉好廉
之人飲所忌我為別立名寄示雙嶙峋大谷大玉小小
玉洗爾慚愧開精神老夫十年枵腹水沒稻朝惟嚙日

莫殫霞與雲平生餓死事極小俛眉承睫何為人

莫釐登高卷

己亥秋文明府天爵訪王翰林濟之同登莫
釐之峯二公各有記予不能同遊不知其為
勝茲強作圖與詩聊復爾耳

洞庭雨山浮具區金庭玉柱僊所都翰林王君列僊儒
住隔萬頃玻璃湖洪濤巨浪相吞屠我欲從之老命虞
海東文侯眼孔大視之不與均堂殊眼中之人不可呼

翩然往就喬之鳧文侯文侯實尹吳所治百里山水俱
山靈河伯受約束疑為後擁仍前驅高登莫釐盡奇觀
云古未始今當無白波青嶂坐可挹紅粧細馬來敢汙
兩人傲睨萬象表但恐笑語天人狙揮毫撫景間盃酌
作文競與山描摹湖山洵美我未識翻意斯文相厚誣
緣文作畫強鄙夫正如摘埴求其途茫茫意會復有詠
長安西笑何其迂有生不遊山亦誚手搔白髮吁嗟乎

寄題金山

金山名天下名大山則小我在童中時其名已自曉願
登蓋有侍侍待首空皓屢扣土著人掛漏簷可道所亘
百畝石江心泊浮島山中無空處皆以殿閣遠及參能
賦者語莫盡其巧我托耳為登聊且厭悵懊譬如山墮
夢其境皆夢造夢覺費追隨所得未了了有路縣不遠
有身無大擾從地借健步從天借不老便須遊一年寫
此平生抱

病中懷西山

元元安衰疾重簾竹下房日因忙者短夜為老人長薦
粥脩蔬品抄書類藥方西山行樂地釐酒付誰狂

拂水崖

只有看山是勝緣青鞋布襪且輕便天收雨脚賒今日
我趁花時遣老年絕壁雲扶將墮石豁崖風勒下奔泉
此來不憤空歸去旋構新篇揀竹鐫

過湖村

幾家成聚落鷄犬夕陽時人影臨流揖帆梢拂樹移積

禾高屋脊落葉厚茆茨隣並尤淳厚常通無有私

城中夜歸

塵累茫茫有鬱襟思鄉就晚發城陰潮來頓長溝渠量
船過平穿市井心僕子促程雙奮櫓人家臨水亂鳴砧
柴門高想慈親倚新月疎星恐夜深

崔氏水南小隱

一家縣水嬾通橋寂寂寥寥遠市朝寸地有生耕子姓
索居無類畫漁樵晚波垂柳供魚貫春雨高梧養鳳條

莫謂溫生同住此不因車馬趣人招

江山勝覽

滿地桑蓬屬少年出門自賦遠遊篇
匡廬真面開屏玉
嵩華僊踪倚嶽蓮
野市誰家濯春酒
隣船何處訪秋弦
老子牖下今頭白
司馬山川是夢緣

三月九日舟泊虞山下見遊人續續于椒麓間
可愛而賦

霽色澄虞山正與遊人偶
一年無多月春三及秋九勿

厭傾郭人隨俗悅親友春風若招邀是處開花柳林華競
妍新無復有惡醜間見叢綠中遠映紅裙婦休云惱山
谷點綴亦可取摳趨識壯步屢頓驗皓首下上相追攜
從高引衣手尚有散逸流列石自俎豆老夫目中盡未
在逐逐走況當氣力衰孤坐還可酒

雲山

雲是青山舊鉛粉一翻粧點一翻新鬢邊白髮偏無賴
點著都成老醜人

丹陽道中

抖擻山邊水際身廿年重踏舊京塵
依依殘夢丹陽月兀兀輕車白髮人
諒自去來無箇事起他花柳未分春
關津莫作誰何問詩酒承平一老民

錢士弘阻遊虞山

我懸虞山當一舍曾幾尋山止其下
見山便怪老足困劍門拂水心空掛
諸君生長為山隣終日熟遊非曰乍
今朝懊惱有長篇頗被春泥妨不借
儘自空濛雨亦奇

抱衾況宿林廬夜開門點火照芙蓉濕翠還堪酒中瀉
湖上雜言

縱目極遐曠水嬉湖中央青山載白波上下相低昂俯
首愛雲霞零亂隨蘭槳悠悠遡空冥忽忽超景光宛宛
漢臯女浴鴈懸微茫可望不可即相思如水長

題沈履德遊湖雜詠卷

朝看湖船出暮看湖船還遊人趁日不用揀雨晴雪月
何曾間舉頭看山低頭飲唱謔小女桃華顏青山亦來

照湖水一鏡映入千螺鬟便可斗酒詩百篇更選絕壁
鑱其頑青山萬古湖萬古歲月但與遊人慳昨日遊湖
人今日埋青山青山與湖同玩世儘把少年勾引老者
刪君不見白樂天蘇子瞻云公不能再為湖山起虛名
空掛湖山間我當把湖釀酒日日醉豈被紅塵白髮相
欺謾

再至虎丘松巢主僧索畫用空谷山居韻

世諦紛紛擾擾間松巢來詰老僧間愛山已結峯頭屋

借畫仍看屋裏山池影心空和月見巖扉客去倩雲關
新茶新笋都叨却香積誰云染指還


夜行村路中用程篁墩虎丘韻

躑躅經墟復歷丘晝時不走夜時遊泥塗我有多岐歎
江海誰閒野渡舟著力自家須杖舄發明何許借膏油
從知世路不易涉只好歸眠舊草樓

紫雲洞

天地不秘寶芙蓉擘空青借問此何居仙人敞雲局翩

然招玉童導我探窅冥高歌振逸響側足履落星下有
古靈湫天光泛清泠酌之不可死閱世齊冥靈



石田詩選卷二

欽定四庫全書

集部

石田詩選卷三至五

詳校官監察御史臣范衷

中書臣劉源溥覆勘

總校官編修臣王燕緒

校對官編修臣閔懋大

謄錄監生臣邢鳳竹

欽定四庫全書

石田詩選卷三

明 沈周 撰

居室

亭館附

移榻西軒

舊榻處幽暗耽睡固有因移之置西軒軒製煥以新其
地不函丈虛明易知晨東方動初陽流光先枕茵破我
黑甜境夙興自然勤盥櫛能及時亦足勸奴人尚有清

夜景月出簷之屑照書僅可讀老眼自不真茲軒所助
我遲暮生精神享此一息佳嗒然遺我身

灤西草堂

堂在灤西黃草茨吳鄉莫把蜀鄉疑地從杜甫名全借
圖為盧鴻我不辭衣桁夕陽迷翡翠竹坪春水下鷗鷺
百壺自醉蘇司業未解求人為酒資

沅波館為史德徵賦

巽湖南派分兩瀾翠阜浸波雙朶落沙鷗渚鷺雪點鏡

揚柳芙蓉錦開幕
水心有屋駕虛明
柱挿玻瓈高借脚
上留客榻枕秋眠
下許漁舟帶烟泊
不須擇勝日移亭
何數倚晴偏快閣
無地樓臺笑語涼
倒天星斗魚龍躍
門前萬頃不入稅
寸金寸土卑城郭
紅闌我儼一臨流
但怯鬚眉老非昨

閒居

顛毛脫盡野僧如
世好都歸一嬾除
欲博晏眠高著枕
圖便老眼大抄書
屋須矮小茅須厚
窗要清虛竹要疎

心與陶翁有相得時歌吾亦愛吾廬

湖南草堂為慈溪張廷儀賦

清勝之居不可當詩書亦許帶農桑近家湖似君王賜
買宅貲非錄事將山有一屏華翡翠人無半唾辱滄浪
開門儘得臨流興何待蘭亭始可觴

灣東草堂為弟撲賦

愛子別業灣之東去家僅在一里中蔽門遮屋樹未大
矮簷但見麻芄芄頻年一意耽詩酒翻然改與耕夫偶

赤脚饁飯走細滕戴笠牽牛映新柳時人喃喃譏子愚
問翁儘有高明居何致妻子嫌側陋何信兄弟專錙銖
從人自說渠自好力田養親殊有道強於遠宦竊斗升
手種長腰使親飽力田養親樂已多兄弟妻子如子何
我與題詩解嘲罵門外雨來虹湍河

莫氏壽樸堂

莫家種樸堂之前人家與樹相為年拱宋抱元非一年
皇明十圍猶鬱然望如車蓋臨綺川張空黛色凌蒼烟

危柯垂地雷雨妬斲皮露心螻蝻穿屢逃兵火合靈怪
曲赦樵斧誰寅緣雖然所托在竹地似此愛護寧非天
天嘗戲赭不為病與家同衰即同盛侍郎狼狽以官敗
大類犧尊災木性兒孫奕葉今森森立庭便欲空槐陰
人於門第望喬木我羨根抵生詞林嗚呼此家此樹不
易得李宿應須自封殖作圖還儼角弓篇放筆為君三
歎息

君子堂讌集分韻得上字

高堂俯闌闌所喜得虛敞門內除塵雜幽然山林想左
右饒茂木朝禽度幽響雨至微風俱況時當長養朋從
非一方各各慕義往揖讓禮度周言談情慨慷主人金
閨彥忘形尚吾黨探詩侑深酌請火繼嘉賞咏歌清化
間允著太平象雖有東封書懷哉不須上

登呂山吳氏池亭

君家四山秀相傍亭館依山起池上畫棟飛雲天影虛
日映櫺窗搖穀浪美人清歌行玉觴碧藻出魚風澹蕩

鴛鴦鸛鵲似江湖花徑臨流紫絲障屋陰壘石更學山
意未足真翻假尚掌上芙蓉百疊青李怪牛竒知拊擋
主人去後我却來物是人非激悲悵浮生歲月耐有期
富貴後心無盡藏老客重遊恐未緣惟儼緘書問無恙

齋居燕坐

齋居過雨淨燕坐意良愜習習風吹襟引酒獨淺軟勸
飲何所有蕉袖舞長葉悅目何所有捥鬢笑素頰妬幃
了無禁得得自姬妾妄境一槩破真樂從酒攝真妄俱

茫然且作莊生嗒

題楊君謙南峯行窩

遠結遊窩怕近城
雲峯窈窕阻人行
草堂一力資誰送
植木三年樹自成
地吉不妨分佛界
山空亦好發書聲
無心富貴知楊素
還恐驂騑入谷鳴

登吳汝秀萬竹亭

有山或無竹有竹或無主
主家屋後山竹盛不可數布
石接陰行初入間無虎高躋
漸窈窕早露滴冠屨深翠

映人面葉雲仰如宇長身森萬挺疎密各有序羣居愛
不亂君子樂生聚林亭雅中構落籜仍鄣節清歌激涼
吹按節傍可拊想多逕造客題名刻旅旅筍富主食飫
太瘦亦自取還能長詩腴彼此有損補十個笑市城寸
寸黃金土此地多不賤一一容玉汝

竹居

宦迹殊汗漫有止必有竹作屋仍竹間簷庇却易足便
似黃州樓明年恐南北君子固類聚離之便云俗凡人

有此好其人亦如玉書來傲我圖漫筆寫秋綠恐無清
氣骨顧為此君辱

補屋篇

先人有遺構宇我逾百年壞久莫除雨沾濕牀頭編欲
葺今頗喜賣菜得羨錢構者良似易葺艱方惻然仍感
寒薄士卓錫莫實緣內省既自幸見獲受一廬且免歌
中露得魚敢忘筌守成固在人成人尚在天天成人弗
脩得之復自捐老馬強為駒威後終怯鞭梯危自苴補

惴惴求瓦全
曝濕保後讀
子孫惟勉旃

宿劉邦彥竹東別墅

乍認東莊路
不真有橋通
市却無鄰山
窮借看堂中
畫花盡來尋
竹主人爛漫
箋麻發新興
留連櫻筍送
殘春與君再
見當經歲分
付清觴緩緩
巡

乾坤一草亭為狄天章賦

少陵老子舊
茨茅小著乾
坤氣自豪作
者有程吾耳
耳視之如傳
世勞勞圖書
可託斯文在
風雨無驚地
位高

坐此笑歌三百歲江山屏障一週遭

留題蘇文輝隱居

迢迢覓虛浦依依指青林
拉柁沿洄流逾梁路轉深
遙盼人家處雜戶班溪潯
地僻罕人事兒童窺客臨
何須詰君居漫緣清誦尋
深簷映疎竹垂簾晝陰陰
斂書出肅我為喜卒莫任
神通維云久覲面乃始今
癯然何巉巖長裾配寬襟
恹恹寡言辭志靜知慮沉
父子自家學禽魚同隱心
鷄黍既云具薦醪復鳴琴
欲別不忍即止

宿抱桐衾

碧梧蒼栝之軒吾寢之前有屋甚虛明屋下有
一梧一栝並秀于庭因名之云

吾軒陋無取賴有此嘉樹梧栝各一植當前鬱分布正
比雙國士裒然在賓昨我是軒主人對越自朝莫讀書
接葉下小酌亦可具徘徊弄華月涼影亂瑤璐疏繁來
冷風拂亞濕清露始信昌黎公喜為五楸賦我初作軒
時自以偃息故軒樹本無因偶合亦有數以樹名吾軒

以物表所遇樹色如得意我亦成其趣
枯古枝相摻偃
塞抱貞固梧身聳而拔未可限尺度
遲彼鸞與鵠引子
來相附時時掃螻蟻霜皮慮其蝨但笑三千年羽化我
當去我去空此軒當為誰所住軒亦空此樹當為誰所
顧存亡俱冥冥天地聊一寓

谿亭小景

幽亭臨水稱冥棲
蓼渚莎坪只尺迷
山雨乍來茆溜細
谿雲欲墮竹梢低
簷頭故壘雌雄燕
籬脚秋蟲子母雞

此段風光小韋杜可能無我一青藜

馬秋官課農山莊

秋官臺笠事東菑雖愛清幽也似癡分肉戲專鄰叟社
訟田閒剖野人詞竹枝雨暗蠨蛸戶豆葉風涼絡緯籬
知遣牀頭三百甕醉中都賦勸農詩

杏林書舍為戚宗式賦

父設教
子行醫

設教開醫沸一堂君家父子為仁忙松梢露碧臨窻硯
杏樹華紅隔水莊買藥僮歸門夜月挾書生散路斜陽

成才起死心相等用世誰如此計長

浦東白詩樓

只把清哦換白頭騷情選思入冥搜樓居疑與仙人借
詩卷當從天地留東海倚濤孤枕夜西山開雨斷髭秋
最憐老子興不淺崔顥時時接夢遊

成趣亭

舊聞淮上尚書府別作陶翁成趣園三匝蒯松迂引逕
兩交梧竹暗通門亭分啼鳥邊頭座人倒飛華裏許尊

莫信平原誇富貴只憑幽雅繼兒孫

黃尚節靜逸堂

記得君家附郭居一堂幽處市聲虛綠陰日薄停琴坐
白髮風涼帶雪梳螭脚漫延窓下酒燕泥時污手中書
長郎日以文為業潤筆青錢可饌魚

澤居偶書

比鄰星散絕經過四壁寒光渺渺波私畜牛羊芻牧少
官倉鼠雀稻粱多西風布被耽朝卧殘月松窓衍夜哦

不是老夫能遣撥出門一望奈愁何

懷翠堂為韓鎮撫作

韓侯京口高作堂堂後萬石山低昂復有瀦水方鑿塘
堂中動搖山水光金焦乃是天富貴巧手移入家中藏
簾掀曉日見翡翠笙吹夜月來鸞皇芙蓉夾座酒滿觴
宛如美人羅四傍韓侯關門醉十日只恐金焦復去江
中央

十八鄰

比比托鄰並相好逾百年老少雖消息林廬無改遷辛
亥壬子歲潢潦割相連滔滔槩吳會墊彼公私田田中
不生穀辟術無所傳嚼草草亦盡仰面呼高天惟食累
于世不如枝上蟬渾舍相抱哭淚行間饑涎日夜立水
中濁浪排胸肩大兒換斗粟女小不論錢驅妻亦從人
減口日苟延風雨尋塌屋各各易為船憂厄久不解豈
免疾疫纏死者隨河流沈骨魚龍淵生者乞四方所飽
何處邊兩年非一日幾日艱一饘逐逐更逐逐去如飄

葉然飄葉或回風故處還周旋一去叵測歸歸亦何為
塵鄉土及骨肉豈絕情愛牽厚地莫容居皇天不哀憐
四郊類兵變蒼莽空人煙盜賊國有討此禍力難援州
司曠恤典勢分與民縣告訴走無門何況病莫前老夫
廩無米亦無廣厦千對眼不忍見衷腸惟火然便欲吐
我哺納彼止一嚙衆口相噉噉欲足理莫全故好成乖
隔載聚何因緣

過友人澤居

獨據澤中勝，遶家金壁堆。
谿虛水照屋，花近樹平臺。
倚杖鳥飛過，開門月入來。
無鄰惱鵝鴨，漁亦莫爭隈。

喜桑氏兩通判致政為題杏花書屋圖

舊有讀書處，杏花深雨中。
人歸髮未白，春好樹仍紅。
富貴浮生外，弟兄吾道同。
門前千謝令，屋下兩陶翁。

冬日過田家

門枕碧流盡，垂楊列岸齊。
樹中茅映屋，垣外菜分畦。
噪雀叢晴薄，行人影潦谿。
犬聲吹暗竇，牛迹翳陰蹊。
磬折

懽迎客盤飧趣饌雞溫言謝鄭重勤意效扶攜設座蒲
重薦防颺壁旋泥奔奔役鄰舍拜拜教孫兒滯飲容盃
緩延留怕日低性情兼禮數真至見天倪

散木高居圖贈吳元璧

舊有茅堂依散木掛冠於此寄高風鹿柴山水新圖裏
蟻國功名昨夢中閉戶著書今日始拏舟問字遠人通
黃州到了休重說桑梓斜陽看醉翁

春水船

軒名

我愛君家春水船江湖已賦卜居篇不憑寸地可作屋
儘住清谿無稅錢涼月蕩人簷影下晚波跳夢枕屏前
便從畫舫齋中看鷗鵲鷗鵲相對眠

林堂雜詠

再拜逢迎覺不便遲遲筋力且衰年林堂看雨開春酌
午枕便風奪夜眠收蜜買茶供歲計曬書烘畫合閒緣
交遊往往通朝報榮辱升沈一惘然

望洋亭為李知州賦

海上高城壓廣洋
新亭東眺眼蒼茫
白滔萬里登臨近
青並三山指顧長
歲久魚龍扶地軸
秋清鷗鷺送天光
邦侯戾止威明肅
約束陽侯不敢狂

道傍酒館

酒香觸路酒旗青
去馬來車到此停
信是利糟名粕釀
行人醉煞不曾醒

同心堂為瀆川王氏賦

王氏諸郎有德馨
芝蘭玉樹倚春庭
老偕鬢雪三人白

食共炊烟五世青不聽婦言家免禍每書忍字座為銘
何當把酒高堂上為爾臨風詠鵲鴿

廢宅行

長洲苑外連雲宅青粉垣牆高廿尺重樓倚閣出參差
柳絮中間影朱碧堂前暖霞封畫闌淵淵伐鼓催牡丹
行人隔牆空嘆息富貴無緣容眼看主人但怕客不醉
白日未昏教火繼歌童揭調塵墮梁舞女失釵金溜地
豪華忌久復忌盈時革人亡一夢驚門前車馬野花盡

地上牛羊無草生老奴髮禿蹠雙足猶戀遺基葺茅屋
半甌蠶粥不療饑西風滿面吞聲哭

送王理之赴孔林書新廟碑

王子嗜字學闔戶攻古籀曾莫求人知摸搨烏衫袖發
緒到秦封探賸更周狩前年靈光苗再搆初觀復工訖
乃紀載伐石獲良琇鉅公實脩辭標美書豈後遠擢舉
王子憲撫識不謬膏車未謀人逕作千里就聖德無假
託高揭有永壽譬雖袞裳貴亦見附繪繡握筆敬在先

書法要締究匪徒求嫵媚結體務莊厚老夫愛莫助贈
言恃惟舊

題王理之草心齋

青青墳上草墳下母不起根祇母處生其心發子所子
心所以發在母非黃土母德如陽春恩大無可補永懷
天地間不共草榮腐

寺觀

菴院附

托嘉本初上人寄題靈谷寺

帝闕東來靈谷寺箇中但少一尋師
千行松下當容杖
八德泉頭尚欠詩
今日林慙應屬我
舊時墩姓又從誰
輕縑淡墨追空影
白髮真遊未是遲

太倉興福寺觀劉鷺塑觀音像

古寺陰陰古佛棲
壁中波浪海高低
花因觸喜偏饒笑
鳥解尋聲亦亂啼
化境慈悲千種相
人間影響一鎚泥
老僧香火如如地
時眼來觀祇欲迷

金山寺吉公房小酌

常惜忙未到到來方悟閒過江如隔世入寺不知山風
氣薄詩骨夕陽浮醉顏古人誇一宿三宿我才還

宿吉公永安堂夜靜懷澄復留一首

清酣散江風展火對不寐澄懷入禪觀真若超世諦自
顧衰颯境掛住亦良計江山不厭客詩壁無曠地州人
亦可脩舟楫日容易笑我雪鴻迹天地塹為寓

趙民部夢麟王廷信符用愚諸公攜酒會飲涵

虛樓民部索詩遂有此作

白髮蕭蕭始此來，高樓正倚夕陽臺。
闌憑南面山都出，梯到上頭江大開。
自媿衰翁落遲局，未容民部不深盃。
若教却飲天應笑，豪傑眼前安在哉。

聽松菴小酌

喚雨林鳩且莫催，聽松汲澗要徘徊。
已知壁畫成神物，聊與菴僧慨劫灰。
雙鬢雪從忙裡出，廿年人似夢中來。
欲歸未便忘情得，更對青山醉一盃。

陪吳匏菴載遊瑞雲觀尋道士不遇和前題韻

渺渺扁舟入浦雲琳宮一到愜前聞春泥夾道縈人迹
野水交陂亂鴨羣洞裏朝元郭道士城中行樂鮑參軍
相尋兩度俱相失石上留題漫有文

別巖天道院

琳館愜清賞樓居俯城陰高竹間喬柯幽然自山林我
本草澤士不諧市俗心能來弗緣招忽去亦莫尋翩翩
拂雙袖孤雲渺秋岑

支遁菴

千載支郎此說經寒泉幽澗尚縱橫鶯花浪示春聲色
水月猶通佛性情嵌石牛龕苔寄迹空庭一箇鶴留名
許詢同化無同調只有溪山照眼青

遊西菴

尋僧雖愛茗盃清也要提攜有酒罌野色迎人過橋去
春風吹面傍花行般遊欲及牛羊晚喜悅還隨鳥雀晴
白髮老翁身健在不憂無地度餘生

買得城東廢尼地

空閒佛地許儒居敢謂行窩且貯書老子不妨歌十畝
小兒還可就三餘西隣機杼勤堪勸東園耰鋤拙未疎
更喜五溪環合處閉門花柳似村墟

放生池上晚坐

風來水面細細月下城角徐徐怪是放生池上有人臨
晚罾魚

留題拂水崖真公房

我家去烏目北驚僅一餉嘗遊但東麓拂水渺在望衆

口詫奇勝翹首作西悵茲來不忌雨晴意晚始放力奮
興亦超履淖老追壯一登還一頓往往手却杖轉陟歷
亂石嵌突踏雲浪豁崖中通泉欲墮風倒抗颯颯成萬
沫仰噴下而上著面毛骨寒遠立未敢傍直訝功德水
泌沸金剛藏老僧瞰泉住相地風水當天設冠茲山邑
人不我誑抱衾雖一宿言拙莫能狀乃知南山詩包括
自有量重來何歲月此亦還可訪

過簡書記故寮

一寮峯絕處一衲一吟身忽爾有生內寂然無此人風
翻破經卷雲護舊牀茵只有青山在如如似佛真

暮投承天習靜房與老僧夜酌復和清虛堂韻

一首

臨昏細雨如撒沙城中官府已散衙空林古寺葉滿地
牆角僅見山茶花繫舟未穩促沽酒布帘尚曳河西家
老僧開門振高木宿鳥續續番鷓鴣松寮竹榻古且靜
人影凌亂燈含葩殷勤小行頗展敬醺酒莫及先烹茶

更添香炷侑清嘏坐久不覺蒲牢過三盃破凍聊爾耳
俗慮脫臆如人爬浮生歲月聚散過撫事感老徒興嗟
淨方頻來亦夙契敢惜片語償煙霞

遊高道禪居

山複岡迴靜結廬林蹊生處我來初杖欺新綠苔痕裏
屐踐殘紅雨迹餘酒榼臨春聊遣撥禪單消日自清虛
壁塵怪是遊題滿教種芭蕉別倩書

神樂觀留別祖席諸君

雨歇南郊風物新
神仙宮觀擁金銀
青山一杖付歸客
玉洞千花留故人
犀首不勝無度酒
滄浪應待遠遊塵
扁舟東去須乘急
還剩家園數日春

題致道觀靈蹟二首

藏丹地底發金輝
半夜通明識者稀
坐久老師還急起
畫符封井鶴先飛

檜蛟欲走夜壇雷
飛石驚門不敢開
明日道人成一笑
綠陰仍鎖舊樓臺

遊妙明庵

早霧未消迷過湖
妙明春日步堪迂
門懸斷岸谿橋接
水隈比隣野寺孤
侍者鳴琴動春鳥
長年引席候風烏
偶然此集真鴻迹
乘興還留水墨圖

過休休庵

市閭隘處有祇林
怪是沿街客易尋
枕聒鼓聲嫌縣近
門垂簾子覺家深
焙茶火暖香浮屋
桁竹簷晴曉曬衾
愛此老僧偏靜得
塵埃中養出塵心

題僧壁二首

塵喧俗鬧漫悠悠
把舌深藏便罷休
人以此非來問我
一場鶻突但搔頭

把舌深藏萬事休
放開白眼看雲浮
是非當面從人問
斷不搖頭與點頭

保叔傳公得余詩畫失去重補

花宮寶塔映湖光
題墨遊踪久已忘
屈指豈勝年契濶
感人何在畫存亡
頭衰要雪消難得
山缺教雲補不妨

舊夢又將新夢接幾時風雨活松堂

感宜興善權寺寥落

有客新尋古洞回國山無處問茶杯僧煩籍役兼徒去
虎熟禪堂引子來雨爛竹姑春委頓風驚松籟夜摧頽
未應靈勝隨人往碧殿猶存火篆雷

至保叔寺

寶石宮堯聳梵宮古城西畔亂山東熒熒高葉丹林露
嫋嫋遊絲翠壁風下界行人映松竹半空飛鳥拂簾櫳

故鄉迢遞獨登塔烟水長洲一望中

祠廟墳墓附

留侯廟和韻

博浪還非擊鹿秋先生空作聶生流天將小挫宏開業
事到不成細論讐羽翼四人歸妙算神仙一著是高遊
千年遺廟蘋花在日暮相思楚水頭

謁退菴陳僉憲祠堂

少從杖屨記遊行今拜祠堂慨死生忽見丹青開慘澹

尚憐忠毅鬱崢嶸
犯顏切切先知禍
載籍堂堂後有名
真與吾鄉植標榜
繼聲誰作鳳凰鳴

聞邑中欲立周文襄公祠喜而賦此

文襄化去我其魚
滿地疲癯九死餘
永某舊恩驕衆鼠
宋公新術誑羣狙
空聞廟貌圖君實
又恐人言賦子虛
願見丹青一揮淚
更將遺愛壁間書

杜東原先生入鄉賢祠

節孝公然當祀典
千年香火見斯人
莫由貴子能為地

却信窮儒自致身標榜令名賢者位追陪諸老德之隣
奉歌斐語林堂靖再拜祇迎颯有神

郭璞墓

氣散風衝豈可居先生埋骨理何如日中數莫逃兵解
世上人猶信葬書漂石龍涎春霧後交沙鳥跡晚潮餘
祇憐玉立三峯好浮弄江心月色虛

古墓

堂封千代失差我高樹平來草漫坡白馬蕭蕭行客路

黃牛哢哢牧兒歌只今麗石文章少奈爾空山風雨多
聞道昭陵亦如此傷情不必問誰何

黃黃墳上草

黃黃墳上草青青復回春草死有生日土中無起人人
心期百年誰存百年身有酒且為樂我愛劉伯倫伯倫
亦已矣無酒澆其墳

祖墳栽樹

德丘松栢舊陰陰斤斧丁丁不滿林樹盡重栽亦容易

不能栽得子孫心

為錢世行副憲寫虞山先隴圖

監憲臨行尚倚舟隴雲阡月要圖收一時縮地便行李
千里忘家愜宦遊不待移書問封樹即教開卷見松楸
清明官舍梨花酒水墨微蹤散遠憂

理墳二首

官竹園頭春日斜手開新土漸成窪觀生如寄誰非客
視死為歸此是家白髮暫存知電露青山長卧有煙霞

慰勞自假閒詩酒且弄年華與物華

卜墳已喜傍雲厓未老先曾有此懷鶴表虛名待誰錄
狐丘宿約與妻偕百年齊裡參諸妄一鋪泥邊打早乖
免向君王乞骸骨自山生長自山埋

過荒隴醉言

老子尋芳挑酒錢樂哉斯丘青嶂邊若教卽死便埋我
更是可生還聽天人間一日過一夢花下百壺酬百年
尚將醉墨寄絕壁風雨不洗山蒼然

紀姚給事歸葬

惟昔永樂初皇帝治明堂取材蒼梧野在梗楠豫章督
以給事臣若曰伯善行叶公素侃察聞百辟得激揚譬
如公輸子材悉良不良此行固天簡公亦喜自當握節
指八桂伐鼓官舲揚惟木彌萬山計材不計章昂霄及
聳壑乃適於棟梁此處瘴癘地氣候日不常公病即不
治骨肉懸江東叶無人事綏復其魂悵彷徨枯藤束木
函一殯六十霜嗟嗟榛鶴輩祖死而後生叶但知彼有殯

不知在何方坐輒向西南行亦西南望叶雖劇返葬心日
月何茫茫無財亦無時猶盲者無相叶天寶使湯公官廣
得其詳書報在全州湘山寺之旁如因曼父母始知墓在
防二子讀書畢哭踊如初喪榛行不擇日即日裹餼糧鶴
云兄當住小弟力頗強此櫬所不返不復載見兄叶出門當
嚴冬雨雪滿大荒九溪多鼉鱷鼓濤播舟航五嶺饒虎豹
磨牙引饑吮鶴行無恐怖孝至膽氣剛達彼全州境入寺悲
荒涼宛然三門側有埵記其藏拜之號三遠聞者痛肝腸發

幽升輅車奉還萬里鄉白骨猶載肉樂歸所自生叶藹藹桑
梓里鬱鬱楸梧岡得從先人兆如齊返周叶葬况與元配合孤
鳩成鴛鴦劒適合延平壁不滯咸陽劒壁不自能良藉人
所將嗚呼二子者生死有耿光嗚呼二子者古義行于今
叶嗚呼二子者頽俗亦可興叶虞山若增高琴川若增長
過席心齋道士墓

丘墟寂寂臨川上桑海茫茫感蛻餘舊用闕盤靈霹靂
新來劒地入耒鋤羽人欲化楓株老仙鶴無言石表虛

我願追求金薤稿碧苔狼籍漫蟲書

復劉龍洲墓

龍洲先生非腐儒曾中義氣存壯圖重華請過補缺典
一疏抗天肝膽竈中原喪失國破碎終日憤懣夜起呼
往籌恢復詣公衮論矛聽盾事大殊芒鞋破襪世途澀
蒯緱短劍秋風孤登高聊且賦感慨江山故在英雄無
權門欲招脚版硬顧遂詩朋兼酒徒尋常一飲空百壺
賣文贖券黃公鑪酒豪欲便蹈東海故人留崑亦須臾

玉山固是埋玉地歲惟三百骨已枯三朝封樹載起廢
人重風節非人驅嗚呼人重風節非人驅龍洲龍洲真
丈夫

崖山大忠祠

落日荒荒下大洋樓船載國此時亡君臣入海仍相合
天地移風已失常黑霧不能迷死所白雲依舊是仙鄉
二忠合作三忠祀添設文山一瓣香

二公至此不能為力盡堂堂是死時一塊肉同今日喪

孤兒事屬老天知
弱流萬里難容楫
清酤三行欲動旗
一殉毅然酬所養
厓山堪壯不堪悲

曹廷儀哭其師陳味芝墓

方寸千里心
三年存義喪
淮陽一掬淚
不顧吳雲長
此淚久不落
自子忽浪浪
嗟哉彎弓輩
掩面在道傍

題孔太守高州生祠碑

有序

孔公韶文孔子之後
讀書有大節
初知高州
時西廣賊擁衆萬餘
近城而寨
城嘗遭三掠

已精壯皆從賊惟存老弱食且盡水又被賊
室其源不給民遑遑日待斃耳公度不可為
告天曰某死城中不若死賊所苟一言可革
其心則死而生也乃單騎往喻賊賊駐城北
山上望一騎至兵皆蜂集橫艾露劒夾于路
旁公獨行鋒刃間更無一從及抵賊寨以利
害曉之賊皆感激仍具燕燕公不食遂以所
掠校官生徒洎僧道男婦千餘人俾從而還

約明日皆來歸果得七千人餘皆散去公復
率兵邀其歸路既而亦納款盡以恩信給之
公兩廣之勩多所助焉

民羸食闕官初到壁破城殘勢莫全獨馬蕭蕭戈戟裏
片言落落死生前身何我恤愁何賊事在人為幸在天
衆叛盡歸非却敵功名不許子儀專

謁夏忠靖周文襄新祠

水利克脩財賦舉二公戮力惠吳民祀行今日欣成典

愛寓斯邦合妥神肖貌堂堂快星鳳功名在在認麒麟
山川悠久貴同德蕉荔殷勤系後人

謁銀瓶聖女祠

蘭槁花不活松拆枝亦傷阿女爺所生還有爺心腸爺
亡女即死女死家亦亡銀瓶本完物隨女井中藏井水
夜夜飛虹光千年不沒銀瓶娘君不見趙家樓船海南
破孤兒又向波中墮

慶樂園

太師本是椒房親竊弄何憂天子嗔喜把貳卿酬佞客
怒張一網打宗臣臺喉給舌不敢劾桃李無言盡門客
珠翠夫人雜內嬪烟花甲第齊宮掖轉眼豪華一夢驚
葡萄零落犬無聲也知竿首甘心死得與朝廷謝北兵

經宋故宮

松嶺行宮倚夕曛繁華丞相太平君江南喜有文侯命
河北愁無靈武軍翠閣迴臨千澗月珠簾齊捲萬山雲
笙歌如海春風裏五國城頭可得聞

石田詩選卷三